

Արդի առաքինության բարոյագիտության վերոյիշեալ հիմնադիրները, կը շեշտեն Արիստոտէլի առաքինության բարոյագիտության կարեւորութիւնը, նաեւ ներկայ ժամանակներուն համար եւ իրենց աշխատանքի որպէս հիմք կը յիշեն Արիստոտէլը եւ իր բարոյագիտության երկերը:

Փիլիսոփայական ժամանակակից ուղղութիւնն սկստուող *Նոր-Արիստոտէլականութիւնը* (Neo-Aristotelism), 20-րդ դարու ընթացքին, Եւրոպայի եւ Ամերիկայի մէջ, կը զարգացնէր նաեւ իր բարոյագիտական ճիւղը, որ ինչպէս յիշեցինք, նոյնինքն «*արդի առաքինության բարոյագիտութիւնն*» Է, հիմք ունենալով Արիստոտէլի բարոյագիտութիւնը:

Ինչպէս նախորդ երկու տեսութիւններու պարագային, առաքինության բարոյագիտութիւնը եւս կարելի է բնորոշել՝ նմանօրինակ հետեւեալ երեք հաստատումներով.-

- (1) Առաքինության բարոյագիտության նպատակը, բարոյական արժէքի մը իրականացումն Է.
- (2) Բարոյական *ճիշդ* վարմունքը եւ բարոյական *բարի* վարմունքը, փոխանակելի չեն կամ իրարմէ կախեալ չեն.
- (3) Բարոյական *ճիշդ* վարմունքը անպայման չի բխիր անոր *բարի* հետեւանքներէն:

Վերոյիշեալ երեք հաստատումներուն մէջ կը տեսնենք, որ առաքինության բարոյագիտութիւնը, նաեւ նպատակաբանական Է. ան չի հետեւիր ինքնին *ճիշդ* ուղիի մը, այլեւ կը հետեւի բարոյական արժէքի մը իրականացումին: Այստեղ սակայն, բարոյական *ճիշդ* վարմունքը եւ բարոյական *բարի* վարմունքը, փոխանակելի չեն կամ իրարմէ կախեալ չեն, ինչպէս տեսանք նախորդ երկու տեսութիւններու պարագային.-

- Առաջին տեսութեան մէջ (*պարտագիտական բարոյագիտութիւն*), բարոյական *բարին* բոլորովին կախեալ Է բարոյական ինքնին *ճիշդ* սկզբունքէն (Principle). իսկ
- Երկրորդ տեսութեան մէջ (*նպատակաբանական բարոյագիտութիւն*), բարոյական *ճիշդ* վարմունքը, ինքը, կախեալ Է՝ բարոյական *բարի* շարժառիթէն (Motive):
- Վերջաւորութեան, *առաքինության բարոյագիտութիւնը* (որպէս երրորդ տեսութիւն), թէեւ նկատի կ'առնէ վարմունքի հետեւանքը կամ հետեւանքները, սակայն այստեղ, ի տարբերութիւն նախորդ երկու տեսութիւններէն եւ մանաւանդ ի տարբերութիւն երկրորդ տեսութենէն (նպատակաբանական բարոյագիտութիւն)՝ բարոյական *ճիշդ* վարմունքը չի բխիր անոր *բարի* հետեւանքներէն:

Ուրեմն այս երրորդ տեսութիւնը (*առաքինության բարոյագիտութիւն*), իր հիմնական կողմնորոշումը կը տեսնէ՝ անհատի (կամ ենթակայի) նկարագրի դէպի *բարին* ուղղութեան կամ ուղղութեան մէջ: Ասիկա կը բացայայտուի անհատի (կամ ենթակայի) լաւ, յաջողակ ու առաքինի անհատական